



Broj : 01-01-26-346-1-I/10
Sarajevo, 21.06 .2010. godine

Na temelju članka 25.stavka (1) točka f) Zakona o konkurenciji („Službeni glasnik BiH“ br. 48/05, 76/07 i 80/09), a po Zahtjevu gospodarskog subjekta Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71 000 Sarajevo, zaprimljenog od strane Konkurencijskog vijeća dana 10.05.2010. godine, pod brojem: 01-01-26-346-I/10, Konkurencijsko vijeće je na 106.(stošestoj) sjednici održanoj dana 14.06.2010.godine donijelo,

MIŠLJENJE

Gospodarski subjekt Društvo za ekonomski, finansijski i pravni konsalting ASA FINANCE d.d. Sarajevo, Bulevar Meše Selimovića 16, 71 000 Sarajevo (U daljnjem tekstu: Podnositelj zahtjeva ili ASA FINANCE), podnio je Zahtjev za davanje mišljenja (u daljnjem tekstu: Zahtjev), primljen dana 10.05.2010.godine pod brojem: 01-01-26-346-I/10.

Podnositelj zahtjeva traži mišljenje u vezi postojanja obveze podnošenja prijave koncentracije u slučaju kupovine (*) % kapitala Fima banke d.d. Sarajevo, Kolodvorska 5, 71 000 Sarajevo (u daljnjem tekstu:Fima banka).

U Zahtjevu je navedeno da skupština emitenata Fima banke namjerava pristupiti provođenju Odluke o povećanju kapitala emisijom novih dionica i time povećati kapitala za (*)¹ %. Dionice zatvorenom emisijom namjeravaju prodati strateškim partnerima i to Društvo za ekonomski, finansijski i pravni konsalting ASA FINANCE d.d. Sarajevo , Bulevar Meše Selimovića 16, 71 000 Sarajevo i Zatvorenom investicionom fondu sa javnom ponudom prevent INVEST d.d. Sarajevo, Bulevar Meše Selimovića 16, 71 000 Sarajevo, koja su dio ASA Grupacije.

Ukupan godišnji prihod Fima banke u godini koja predhodi koncentraciji je (*)KM. Tržišno sudioništvo Fima banke u bankarskom sustavu je Federacije BiH iznosi (*)%.

ASA FINANCE namjerava donijeti Odluku o dokapitalizaciji banke, čime će steći (*)% temeljnog kapitala emitenta Fima banke d.d Sarajevo. Osnivač i (*) vlasnik ASA FINANCE je

¹ (*) podaci predstavljaju poslovnu tajnu

„ASA HOLDING“ d.o.o Sarajevo, Bulevar Meše Selimovića 16, 71 000 Sarajevo. ASA FINANCE u trenutku podnošenja Zahtjeva ima (*) vlasništva u ZIF prevent INVEST. Ukupan godišnji prihod u godini koja je prethodila koncentraciji ASA FINANCE je (*) KM

Zatvoreni investicioni fondu sa javnom ponudom ZIF prevent INVEST d.d.Sarajevo namjerava donijeti Odluku o dokapitalizaciji banke, čime će steći (*) % temeljnog kapitala emitenta Fima banke d.d Sarajevo. Ukupan godišnji prihod ZIF prevent INVEST u godini koja je prethodila koncentraciji iznosi (*) KM.

Prema članku 14. stavka (1) točka b) Zakona o konkurenciji obveza podnošenja prijave namjere koncentracije postoji za gospodarske subjekte – sudionike koncentracije ako ukupan godišnji prihod svakog od najmanje dva gospodarska subjekta sudionika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM u godini koja je prethodila koncentraciji ili ako je njihovo zajedničko tržišno sudioništvo na mjerodavnom tržištu veće od 40 %.

Ukupan godišnji prihod obuhvaća poslovne prihode, finansijske prihode i vanredne prihode nakon odbijenog poreza na dodatnu vrijednost i drugih poreza koji se izravno odnose na promet i rabat. Sukladno navedenom, ukoliko ukupan godišnji prihod ASA GRUPACIJE i Fima banke na tržištu Bosne i Hercegovine u 2009.godine iznosi najmanje po 8.000.000,00 KM ili ako je njihovo zajedničko tržišno sudioništvo na mjerodavnom tržištu Bosne i Hercegovine u 2009.godini veće od 40% smatra se da postoji obveza podnošenja prijave namjere koncentracije u skladu sa Zakonom o konkurenciji i Odluke o načinu podnošenja prijave i kriterijumima za ocjenu koncentracija gospodarskih subjekata.

Ovo Mišljenje je dato isključivo na temelju podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo Mišljenje se ne može primjeniti.

Predsjednik

dr. Stjepo Pranjić

Dostavljeno:

- „ASA FINANCE“ d.d. Sarajevo
- a/a

